

世家

忠烈王

二十五年

卷之十

高麗史  
十六



哥

陶徑

子



世家卷第三十一

高麗史三十

正憲大夫曹判書集賢殿大提學知經筵春秋館事兼成均大司成臣鄭麟趾奉

教修

忠烈王四

二十年春正月壬子朔王在元王與公主詣  
闊闕直殿獻白馬九匹癸酉世祖皇帝  
崩王與公主以羊十馬一祭于殯殿其文曰  
鰥墟莫遠佇瞻冥陞以來賓龍馭忽回曷極  
鼎湖之哀慕夢也覺也顛之倒之聊修菲薄

甲午



之議冀垂歆容之賜將使贊成事鄭可臣讀  
之諸大臣止之曰豈宜用諸侯之禮祭天子  
乎遂不讀王冀薦之禮哀慕之誠皆致其極  
元朝喪制非國人不敢近唯高麗得與焉故  
王之從臣雖輿臺之賤出入無禁罷造戰  
艦時王入朝欲陳東征不便且以甲戌辛巳  
兩年之役濱水材木斫伐殆盡造艦實難冀  
緩其期會帝晏駕洪君祥白丞相完澤遂寢  
東征丙子以中郎將羅允材爲將軍世子



之陪葬世祖馬驚墜橋下允材扶而得出故  
有是命 夏四月辛卯以同知密直安珣爲  
東南道兵馬使出鎮合浦 癸巳王與公主  
如上都迎皇太子 甲午皇太子即皇帝位  
是爲成宗王與公主獻金盞銀鏤葵花盞各  
一副金瓶金鏤銀尊壺湯瓶酒瓶各一事半  
鏤銀尊胡瓶各一事銀盃八十一事銀鍾十  
八事紫羅九匹細罽八十六匹豹皮十八領  
水獺皮八十一領以充庭實表賀禮訖帝命



王赴宴時諸王駙馬畢會王坐第七明日又  
上表云知無不言實惟臣職禮有所舉簡在  
帝心恭惟陛下天賦神謀日躋聖敬夏民歸  
啓爭詞明德之誕敷文母在周共喜至仁之  
光孝方欲茂時而興事誠宜稽古以闡猷臣  
謹按前史子爲天子母爲太后秦漢以來不  
刪之典也噫斯典之孔彰若盛朝之所急群  
臣當議愧將淺見以先陳微懇難藏庶有小  
補於兼聽伏望陛下廓回大度採納愚衷亟



垂乾極之異恩早定坤闡之懿號則復三王之要道教化風行得萬國之懽心邇遐景仰  
戊戌隕霜雨雹 己亥帝以王功大年高  
詔出入乘小車至殿門 乙巳帝賜王銀三  
萬兩 五月庚戌朔帝遣忽篤海明哥等來  
頒赦 甲寅太白晝見翌日亦如之 耽羅  
人曲怯大蒙古大塔思拔都等如元獻馬四  
百匹 王以四事奏于帝一請歸耽羅二請  
歸被虜人民三請冊公主四請加爵命帝命



耽羅還隸高麗已未年以來被虜及流徙人  
可遣使與遼陽行省分揀歸之公主冊命其  
議以聞國王爵命既已累降且待來年帝嘗  
使翰林學士撒刺蠻問高麗歸附年月王使  
鄭可臣上書以對曰太祖聖武皇帝肇興朔  
方時則有大勢國助征金國恃功而驕不用  
帝命有金山王子者改其國號自稱大遼奪  
掠中都等處子女玉帛東走江東城拒守朝  
廷遣哈真扎剌追討時方雪深道險糧餉不



繼高王聞之遣趙冲金就屬濟兵犒師殲其  
醜虜因奉表請爲東藩太祖遣慶都虎思優  
詔荅之大加稱賞于今七十有六年矣庚  
申太白晝見己卯王與公主發上都六  
月庚辰朔日食戊申王至潘州帝冊公主  
封安平公主秋七月戊午以大將軍吳仁  
求爲全羅道指揮使往耽羅丁卯以大將  
軍劉碩爲東南道兵馬使出鎮合浦乙亥  
元遣屹折思八八哈思賈護沙門詔來百官



具袍笏率僧徒出迎于門外館於肅陵寺非  
肉不食吃折思八者蕃僧之名八哈思者蕃  
師之稱師本珍島郡人歲辛未討南賊時被  
虜而西遂投帝師剃髮離鄉久不知父母存  
歿至是得於西林縣貧不能自存爲人家傭  
王賜米與田令家于喬桐縣聚其族而復其  
役 丙子遣同知密直司事柳陞直史館權  
漢功如元賀聖節 八月乙酉王至自元  
丁酉元以加上世祖裕宗尊謚遣達魯花赤



乞石烈六十等來頒詔

乙巳太白晝見

九月辛酉遣將軍閔甫如元獻鷄

冬十月

甲申賜尹安庇等及第

丙戌元懿州昊天

宮道士顯真大師韓志溫與其徒李道實李

道和尹道明來王賜號志溫圓明通道洞玄

真人道實定智玄明講經大師賜宅一區乃

王招之也

庚子王獵于東郊遂幸壽康宮

十一月庚戌賜耽羅王子文昌裕星主高

仁旦紅鞵牙笏帽蓋靴各一事耽羅今歸于



我故有是賜然進馬于元不絕 乙卯賜耽

羅達魯花赤織金衣二襲 癸酉王與公主

幸磊坊 十二月庚辰遣右承旨柳庇直寶

文署柳仁明如元賀正 甲申王與公主自

磊坊幸溫泉 乙酉王與公主幸妙蓮社

庚寅元遣中書舍人愛阿赤來先是爲征日

本運江南米十萬石在江華島今遼瀋告飢

帝詔以五萬石賑之 以左僕射朴義爲西

北面都指揮使 戊戌遣郎將白堅如元獻



紀

鵠肉鵠多出於河陽永州之地每歲遣使獲之騷擾一方民甚苦之 辛丑元以改元元貞遣忽都海等來頒詔 以洪子藩爲僉議中贊印侯爲僉議贊成事金之淑判密直司事車信爲密直使安珣知密直司事張舜龍同知密直司事

二十一年春正月甲寅以洪子藩爲僉議令趙仁規爲僉議中贊加中贊致仕金方慶僉議令 乙卯王與公主幸妙蓮寺辛酉遂幸



神孝寺皆爲先帝薦福也 戊辰判監察司

事廉承益病免 己巳以鄭可臣爲僉議侍

郎贊成事印侯爲世子貳師金忻知都僉議

司事金之淑判三司事安珣爲密直司使車

信爲世子元賓柳陞知密直司事崔有渰李

之氏爲左右常侍李混同知密直司事柳庇

閔漬爲左右承旨元卿爲左副承旨 壬申

元遣蒙古字教授李忙古大來 甲戌賜官

者將軍陶成器內府紅鞋 二月戊子燃燈



王與公主幸康安殿 癸巳遣中郎將宋瑛  
如元請減運糧帝不從 甲午遣大將軍吳  
仁求如元賀誕皇子 戊戌王畋于東郊遂  
幸壽康宮 壬寅遣將軍崔淑什如元賀改  
元 甲辰親醮三界于康安殿 三月戊申  
知僉議府事致仕池允輔卒 丁巳親設消  
災道場于外院 命同修國史致仕任翊史  
館脩撰官金賸撰先帝事跡 遣將軍智團  
等以船七十三艘載米一萬石輸之遼陽



庚午元遣伯帖木兒來取馬于耽羅 辛未  
親轉藏經于康安殿 夏四月戊寅元遼陽  
省奉帝旨以江南運米三千石賑雙城 己  
卯遣將軍金永孫以船九十艘載米一萬二  
千一百八十石輸之遼陽 乙酉隕霜殺麻  
麥凡四日 甲午設賞花宴于香閣閣後別  
開帳殿大張女樂中郎將文萬壽引水爲戲  
剪青蠟絹作芭蕉王喜賜白金三斤 乙未  
遣大將軍劉福和祗候金之兼送錢幣于世



子 癸卯遣將軍柳溫如元請減遼陽運糧  
帝許減二萬石 閏月己酉元遣王敬塔失  
不花賣香幣來轉藏經王敬本國宗姓也  
癸丑以判秘書省事崔瑞爲濟州牧使 已  
未元遣小云失不花來詔曰自窩闊台皇帝  
到今以來買賣人等貸出官錢不以利錢還  
納彼此隱匿者多矣其內外官貪尋捕買賣  
人收取利錢依數交納泉府司若有見買賣  
人隱匿首告者賞之 庚午遣中郎將趙琛



如元進濟州方物苧布一百匹木衣四十葉  
脯六籠獾皮七十六領野猫皮八十三領黃  
猫皮二百領麀皮四百領鞍轡五副 癸酉  
遣將軍徐光純等以舩六十五艘載米八千  
五百六十八石輸之遼陽 五月辛巳以僧  
景宜爲國尊 丁亥遣贊成事印侯如元請  
世子婚又遣左承旨柳庇請加王太師中書  
令降公主印章改世子印章帝皆不允 己  
丑以洪君祥爲三韓壁上功臣三重大匡益



城侯

秋七月乙亥僉議中贊致仕張暉卒

壬午遣鹽稅別監於慶尚全羅道 己亥

遣判三司事金之淑如元賀聖節 八月甲

辰征東行省遣貧外郎牛廷信如元賀聖節

癸丑以閔漬爲密直學士 戊午世子至

自元 庚申以世子判都僉議密直監察司

事洪子藩知都僉議司事洪君祥爲都僉議

中贊脩文殿大學士監修國史世子師臨安

公 壬戌流萬戶知都僉議司事韓希愈于



祖月島

乙丑以齊安公淑錄三司事

已

已賜金方慶爵上洛郡開國公

九月壬申

朔以洪子藩僉議中贊致仕

甲戌元遣怯

薛歹帖里迷失老里等來頒詔

乙亥幸賢

聖寺駕至典法司門命放囚

丙子以聖節

大酺

甲申世子署事于都僉議司遂詣壽

寧宮王與公主登樓觀之

壬辰以世子判

中軍事

乙未密直學士閔漬罷以金暉代

之加洪文系僉議中贊致仕世子請之也



冬十月壬戌遣將軍柳溫如元進先帝事跡  
癸亥賜姜暄等及第 甲子王與公主幸  
妙蓮寺 以趙仁規女爲世子妃 丙寅地  
震 十一月丁丑世子朝于王士庶人遮道  
擁馬上書訟冤馬不得前世子皆受之蓋豪  
勢之家奪人田民有司不能聽斷故也 甲  
申設八關會幸法王寺 壬辰王與公主幸  
神孝寺 十二月壬寅遣洪文系金光就如  
元賀正行省遣通禮門祗候趙詡賀正 賜



丙申

上洛公金方慶食邑三千戶食實封三百戶  
世子請之也 癸卯世子如元 甲寅太白  
晝見三日 乙卯囚監察侍史許有金于巡  
馬所 甲子幸外院

二十二年春正月壬申遣副知密直事柳庇  
如元請世子婚 甲申宥二罪以下又下旨  
曰先祖苗裔許初入仕歷代功臣墳墓禁樵  
牧致祭祀蠲外貢三年置經史教授都監通  
一經習一藝者優加擢用凡進士生徒並免



防戍癸巳甲午年從行臣僚超職四等南班  
內僚許通仕路有差捕討哈丹有功將卒別  
行敘用貧民因租稅而鬻子者官贖還之時  
壬年六十一術者有換甲厄年之說故推恩  
肆宥 乙酉太白晝見 戊子以先帝大祥  
幸神孝寺行香 己丑王與公主幸妙蓮寺  
戊戌還宮宦者將軍陶成器結彩棚盛伎  
樂奉觴駕前王與公主極歡而罷 二月甲  
辰以金之淑知都僉議同事安珣爲三司左



使金頤李德孫並副知密直司事 同知密

直司事李混罷 壬子燃燈王如奉恩寺

乙丑元以耽羅牧畜事遣斷事官木兀赤來

丙寅王獵于西郊國師僧獻書曰殿下換

甲之年宜小心修德不可荒于遊畋王曰非

敢好獵逐虎也其實憚公主妬悍因獵而出

私嬖妾也 三月己卯元遣使整理館驛

金光就還自元帝賜王織金段紅絹各四匹

太后賜蒲萄酒二器並賜曆日中書省送線



綾紅絹各五匹 戊子盜發崔瑀塚命有司  
修之 夏四月壬寅王與公主幸妙蓮寺  
丁未遣大將軍劉福和致錢幣于世子以婚  
禮也 庚戌還宮設賞花宴于香閣大學士  
鄭可信製詩以賀 甲寅有人以傳內旨突  
入典法司閤時以其無禮不詰其由而囚之  
王怒流時于紫燕島 乙丑命都僉議郎舍  
禁內六官及學官和鄭可信賞花內宴詩各  
賜米二十石 丙寅宴于香閣丁卯亦如之



五月己巳以元卿副知密直司事 庚午

夜宴于香閣王見壁上唐玄宗夜宴圖謂左

右曰寡人雖君小國其於遊宴安可不及明

皇自是夜以繼日奇巧淫伎無所不至 辛

未以洪子藩商議都僉議事 癸酉以國贐

庫羅絹二十匹付巡馬所至內宴日粧飾花

階以則換之 甲戌以旱禁酒 丙子以洪

子藩爲右中贊趙仁規爲左中贊 己卯遣

將軍李連松如元獻耽羅皮貨 丙戌遣右



副承旨兵仁永獻亭布

庚寅辛神孝寺立

辰公主又幸是寺燃燈皆以珠玉織成燈籠

巧妙奢華不可勝言

癸巳元遣字蘭奚禿

魯點視館驛

甲午遣大將軍南挺如元獻

耽羅馬

六月庚子遣上將軍崔世延如元

獻鵝

甲辰中贊洪子藩上書條便民十八

事王嘉納

己酉副知密直司事金義光死

戊午副知密直司事金之卿卒以吏能進

有廉直名

乙丑以公主生日宥二罪以下



秋七月辛巳王與公主幸廣明寺設盂蘭

盆齋

甲申遣將軍李茂如元獻鷄

乙未

遣中贊鄭可臣如元賀聖節上將軍金延壽

請入朝

丙申元遣帖木兒推刷雙城人物

八月己亥行省遣中郎將邊信如元賀聖

節

戊午金延壽還自元報世子婚期帝趣

王入覲

九月乙亥幸外院 壬午王與公

主幸妙蓮寺

丁亥王與公主如元從臣二

百四十三人僉從五百九十人馬九百九十



匹 冬十月戊申王次靈州遼陽省中書省  
皆遣人迎于鴨綠江 戊午王次瀋州摠官  
朴仁才知事朴純亮不出迎王怒鎖其頸  
十一月庚午行省遣上將軍金延壽如元賀  
正 庚辰王次令頭兒寨世子來迎 壬午  
王至燕京館于洪君祥第皇太后遣使勞問  
諸王公主公卿士婦爭來謁 甲申王與公  
主謁帝獻方物金瓶金鐘二事鏤銀壺銀湯  
瓶各一事銀盞一副銀胡瓶銀大樽各一事



半鏤銀胡瓶二事銀大鐘一事銀盃五十事  
虎豹皮各十三領水獺皮七十六領紫羅十  
匹白苧布一百匹玳瑁鞘子一十遂侍宴于  
長朝殿諸王滿座王居第七公主之右無敢  
坐者 乙酉王與公主謁太后于隆福宮  
己丑王與公主侍宴于長朝殿翌日亦如之  
壬辰王與公主詣闕世子以白馬納幣于  
帝尚晉王之女是日宴皆用本國油蜜果諸  
王公主及諸大臣皆侍宴至晚酒酣令本國



樂官奏感皇恩之調既罷王與公主詣隆福宮太后設氈帳置酒入夜乃罷 癸巳世子以白馬獻于太后太后以羊酒宴世子帝與太后臨軒諸王公主百官侍宴 甲午王與公主侍宴于長朝殿世子以白馬獻于晉王仍以酒羊宴 十二月己亥王與世子侍宴于長朝殿乙巳亦如之 辛亥帝賜王金四錠金段二匹絹二匹賜從臣銀五十錠金段十八匹繡段十匹綾素段五百七十八匹絹



酉丁

福宮

四百八十六匹賜婦寺綾絹各二十七匹僕  
從木繇絹各四百十一匹 壬子王與公主  
侍宴于長朝殿 甲寅中書省宴王 乙卯  
帝賜王弓矢及劍賜從臣弓三十九矢五百  
庚申帝宴王及公主辛酉太后又宴于隆  
上殿侍宴 乙丑王與公主世子侍宴萬歲  
山廣寒殿 丙寅王與公主侍宴于隆福宮



壬申王與公主世子詣闕侍宴 乙亥帝

賜王御鞍又賜從臣十人人一鞍 壬午遣

郎將黃瑞如元獻金畫甕器野雉及耽羅牛

肉 二月甲午王與公主餞晉王于郊 己

亥帝幸城南觀獵王扈從奏曰臣之先臣植

於蒙哥皇帝己未歲以世子入覲時世祖皇

帝回自征南先臣具袍笏迎拜于汴梁之墟

世祖嘉嘆寵眷日隆至於小臣釐降公主世

爲東藩乞自己未年以來被擄及流民在遼



審者悉令歸國帝許之王感泣拜謝 辛亥

彗見六日 庚申元改元大德赦天下 太

后以王誕日賜羊四十頭鵠十首并賜內醢

諸王公卿皆來賀 三月甲子彗見 乙丑

太后餞王及公主于隆福宮仍賜金段衣賜

從臣三品以上二十人金段衣各一翌日又

賜從臣金段一百匹綾素八百匹 戊辰王

詣闕帝賜蒲萄酒 庚午太后賜王及公主

鞍馬 辛未王與公主發燕京 夏四月癸



已朔日食 庚子元遣使遼陽路推刷已未

年以後被擄及流民歸之凡三百五十戶

庚戌霜 五月丁卯王與公主至自元遂幸

神孝寺 庚午公主不豫設法席王燃臂

癸酉王與公主幸賢聖寺發內庫米一百石

賜窮民爲公主祈福 乙亥遣中郎將秦良

弼如元請醫 壬午公主薨于賢聖寺王移

御僉議府 癸未遣副知密直司事元卿如

元告公主喪 丙戌移御金方慶第自是移



幸非一所 六月丁酉雨雹 戊戌有旨從

行臣僚超四等錄用 癸卯許人皆得藏冰

元遣太醫王得中郭耕來 丙午世子自

元來奔喪 壬子元遣火魯忽孫來吊公主

喪太后賜賻楮幣轉藏追福 秋七月乙丑

太白晝見 己巳幸神孝寺薦福公主 辛

未遣副知密直司事朴義如元謝弔慰 丙

戌行省遣左右司都事張瑜如元賀聖節及

改元 戊子世子以爲公主之薨由無比殺

世子此舉欲爲公主而孝于大  
傷厥心而已是以成服晚至四  
月後而



之又殺閹人陶成器崔世延全淑方宗氏中  
郎將金瑾流其黨四十餘人 八月辛卯朔  
遣同知密直司事崔有滄如元賀聖節 癸  
巳元遣使徵寫經僧 辛丑以印侯爲都僉  
議侍郎贊成事判軍簿監察司事金瑋爲侍  
郎贊成事判版圖司事車信爲贊成事世子  
貳師金時副知密直司事薛景成爲三司右  
使張碩爲軍簿判書柳栢爲典法判書 癸  
卯公主眞至自元百官以伎樂迎于郊 乙



已世子以故進士崔文妻金氏有姿色納于

王蓋因無比之死欲慰解之也 丙午世子

成服 已未葬安平公主于高陵 九月丁

亥移御張舜龍第 冬十月辛卯以鄭可臣

爲僉議中贊判典理司事世子師洪奎判三

司事李之氏爲三司左使朴義知密直司事

世子元賓柳庇同知密直司事監察大夫崔

冲紹許評並副知密直司事崔崑爲右常侍

閔宗儒知申事 癸巳世子如元 丙申遣



趙仁規印侯柳庇如元賀生皇子且告羅請  
傳位表曰聖德齊日月之明無幽不燭卑情  
絕絲毫之隱有故必陳伏念臣跡遠守東心  
專拱北嘗於至元六年己巳臣爲世子入朝  
還至婆婆府聞權臣林衍擅廢立還赴朝廷  
陳告情狀遂與官軍來復舊都八年辛未入  
叅宿衛累經歲月至蒙釐降益勤藩職十八  
年辛巳官軍出征日本凡船艦米糧至於軍  
卒稍水一切物件悉皆盡力應副二十四年



丁亥聞車駕親征乃顏躬率五千軍而往助  
征半途詔傳大捷仍命還軍二十八年辛卯  
乃顏餘種哈丹賊軍入我東鄙臣與乃蠻歹  
薛閣干等一同心力蕩滅無餘謂臣有勞效  
加功臣名分三十年癸巳與公主入朝親覩  
聖人之作首詣慶集別承寵渥既得殊尤之  
墜睠庶幾終始以輸誠乃因閨室之相離哀  
傷有甚加以春秋之方毫疾恙交攻如一朝  
僵仆以莫興其庶務剖裁之誰任竊見臣之



世子諡夙成幹局入衛闕庭荷恩已配於皇  
支諳事堪承於宗祀而臣將俾之嗣位退以  
攝生庶免憂勤釋千鈞之重擔小延喘息觀  
四海之大平茲切籲呼佇垂矜察 乙巳太  
白晝見經天 十一月戊寅遣上將軍金延  
壽如元獻人參及耽羅酥油 己丑宥二罪  
以下 十二月戊戌以內豎金元呂私通宮  
人柴巨並投臨津 庚子閼闕王大王死于  
大青島 壬寅以金之淑爲僉議叅理世子



貳師安珣爲僉議叅理世子貳保崔有渰判  
密直司事李混知密直司事並兼世子元賓  
尹琰爲密直學士張碩爲軍簿判書金昇爲  
右副承旨吳仁來爲左承旨金恂爲左副承  
旨趙瑞爲右承旨吳漢卿李瑱爲左右司議  
大夫 甲辰僉議叅理張舜龍死 戊午遣  
大將軍宋瑒如元賀正閏月行省遣掾趙珍  
賀正 乙丑以元珣同知密直司事元卿副  
知密直司事 副知密直司事崔冲紹以世



漢

子命就壽昌宮基大興工役將以設公主之  
穹廬也

二十四年春正月丙申世子至自元 庚子  
世子妃寶塔實憐公主來王幸金郊百官郊  
迎儀仗伎樂如迎王禮帝使阿木罕太子薺  
吉刺歹丞相護行以來 辛丑宴公主及阿  
木罕等于壽寧宮 壬寅命巡馬所選良家  
女將以進帝所及使臣令百僚密疏有女家  
投主司於是有睚眦之怨者雖無女亦指之



以致騷擾雞犬不得寧焉潛納壻者頗多

癸卯教曰孤以涼德叨承丕構二十有五年  
今且老矣加以去歲因喪配耦不覺過慟疾  
恙隨之倦于聽政惟爾世子英明智勇衆所  
共知當嗣藩職祇奉宗社孤亦退居後宮穩  
送餘齡惟忠惟孝在此一舉世子上牋辭不  
允 甲辰元遣咸寧侯王維詔諭國人曰邇  
者高麗國王王珪表陳春秋方耄憂恙交攻  
慮庶務之煩勞期息肩於重負乞令世子諒



襲爵朕以王嗣守東土垂三十年累效忠勤  
勲伐茂著矜其誠懇特賜俞允授世子開府  
儀同三司征東行中書省左丞相駙馬上柱  
國高麗國王加授王推忠宣力定遠保節功  
臣開府儀同三司大尉駙馬上柱國逸壽王  
以示優崇之意國有重務尚須訓勵聿底于  
成又詔王曰卿恪居藩翰茂著勲庸宣力我  
家歷年茲久比陳衰疾冀脫煩勞乞須賜爵  
之恩將爲逸老之計載惟忠懇宜賜允從卿



卷之三十一 二十一

雖耆年國之重務尚資訓導迄用有成於戲  
今始令終既被殊常之眷惟忠惟孝勉思報  
效之勤祇服寵光益綏福履維本國宗室仕  
元朝爲摠管 丙午幸康安殿傳位於世子

退居張舜龍第號爲德慈宮世子即位於康

安殿是爲忠宣 乙卯詣德慈宮奉箋上尊

號曰光文宣德太上王 王傳國後王復位元  
七月在忠宣世家

秋八月甲子元遣宗魯兀來起忠宣入朝幸

未忠宣如元壬申王餞于金郊酒酣字魯兀





以帝命取國王印授王 癸酉王如字魯兀  
館備儀衛遂幸壽寧宮受詔詔曰諭前高麗  
國王王矩曩以卿表請授位于世子諒是用  
詔諒往嗣王爵國事仍命聽卿訓導今聞蒞  
政以來頗涉專擅處決失宜衆心疑懼蓋以  
年未及壯少所經練故未能副朕親任之意  
今遣使詔卿依前統理國政且詔諒入侍闕  
庭使之明習于事字魯兀之來十日而國人  
不知有此詔也 甲戌以左副承旨權永右



司議趙簡揔郎金台鉉前司諫金祐主選法  
已卯字魯元還以大將軍姜純之女妻之  
甲申移御明順宮 九月丙申元遣平章  
闊闊出左丞哈散來口宣聖旨云自公主棄  
世王獨處無聊帝賜王蒲萄酒且令吾等伴  
議國事 遣中原侯昱大將軍金天錫如元  
謝復位表曰爰自先朝而陳力又當盛際以  
輸忠曩因穰李之忽凋將謂朽株之難保哀  
情至極憂氣損和幸存胤子之既冠方初尚



主何惜殘年之重負不早上章獲蒙從欲而  
允俞更感推恩於頤養今者詔令臣子諒入  
侍天庭令臣依舊統理國政若覩璽書之所  
諭可慚家訓之無良曾不以斯而責臣反令  
依舊而守土以鄭瑑爲右常侍吳仁永爲  
軍簿判書柳栢副知密直司事洪誼黃元吉  
爲三司左右使洪子翰爲密直司知申事李  
英柱爲軍簿判書鷹揚軍上將軍金恂宋瑨  
爲左右承旨柳琚爲右副承旨冬十月甲



成以尹琰爲西北面都指揮使 乙亥瀋州

達魯花赤闇里大遣人獻馬一匹羊三十頭

賀復位 庚辰移御栢井宮 十一月甲申

朔遣將軍李白超如元獻耽羅牛肉 丙戌

閏閏出還王餞于宣義門外 壬辰親設消

災道場于外院 戊申宰樞享王 庚戌以

金瑄爲僉議中贊仍令致仕宋玠爲僉議侍

郎贊成事判監察司事韓希愈爲贊成事判

版圖司事元灌知密直司事版圖判書金賡



紀

同知密直司事薛景成金富允金恂並爲密  
直副使張碩爲左承旨 十二月丙辰遣宋  
玠如元賀正 戊午宥二罪以下 行省遣  
將軍宋邦英如元賀正 己巳以金深爲右  
副承旨 癸酉下左司諫秋適獄 甲戌彗  
見南方 庚辰復舊官制  
二十五年春正月壬辰太白晝見 幸外院  
設藏經道場 丁酉萬戶印侯金忻密直元  
卿等擅發兵執萬戶韓希愈上將軍李英柱



誣告謀叛戊戌王與左丞哈散鞠希愈等于  
興國寺英柱誣伏希愈竟不服 癸卯以世  
祖忌幸神孝寺 戊申印侯金忻元卿以希  
愈不服如元訴帝王留之不從 二月戊午  
哈散還元流韓希愈李英柱于海島 戊辰  
正如奉恩寺 三月壬午朔罷西北面都指  
揮使尹琰密直副使閔宗儒 乙酉以金富  
允爲西北面都指揮使 丙戌下右司諫金  
台正于巡馬所 庚寅遣知都僉議司事崔



有渰如元賀生皇子 壬辰王獵于東郊遂  
幸壽康宮日事宴樂賜倡妓銀八斤又以二  
銀瓶爲的射之賜中者 夏四月辛亥朔元  
遣工部尚書也先帖木兒翰林待制賈汝舟  
來詔曰比者奉使回奏本國陪臣趙仁規等  
所行不法及事有不遵典制合行正釐者據  
仁規等罪已勅中書省量輕重決遣自今以  
始卿其勉遵守國之規益勤畏天之戒凡在  
官者各勤乃事協力匡贊毋蹈前非自干刑



憲綱黃士庶各安其業所釐事宜條列于後  
一先朝已定官府及受宣人負母得變更中  
閒有所擅自更易者即行改正一命官有罪  
須具事情本末聞奏毋得輒行殺戮一奉使  
奏說本國臣庶曾經世子流竄海島及斷沒  
人數有無罪犯從國三分揀審錄合改正者  
即與改正 壬子召還韓希愈李英桂 丁  
巳遣判三司事鄭仁卿如元辨印侯誣妄  
己未元遣塔海闊闊不花來執韓希愈李英



柱元卿及劉密直柳庇都評議錄事宋之罕  
以歸五月辛巳朔遣將軍白孝珠如元獻  
鵠丙戌印侯李混元珣鄭璿元卿許評罷  
丁亥遣判三司事鄭仁卿如元謝恩表曰  
使華戾止俄傳九閩之明綸帝澤霑然便作  
一方之甘澍省循已往兢感交深伏念幸千  
載之遭逢叨兩朝之眷遇民若淵深而魚泳  
以沐矜憐國如木老而蠹生自招尤悔厄數  
更并於涼德穢言曾及於亶聰雖云山海之



兼容尚畏雷霆之一怒豈謂以蒼穹之莫遠  
曲察事情俾赤子之無知反加哀育既列法  
言而垂戒仍宣汗號以滌瑕傳孫寶訓之丁  
寧闔國歡聲之洋溢茲蓋伏遇法湯彰善體  
舜好生加字小之仁廓包荒之度恐無辜之  
或枉期寧失於不經臣敢不敬率群僚而述  
職庶副天心永綏黎俗以瀝誠祝延聖筭  
癸巳宥二罪以下 庚子以安平公主大祥  
寺妙蓮寺 乙巳幸壽康宮 秋七月乙未



以將軍金儒爲慶尚全羅楊廣三道採訪使

丁未遣密直使柳梢如元賀聖節 八月

己酉朔日食 丁巳移御壽寧宮 丙寅判

密直司事柳庇逃 九月己卯朔遣大將軍

閔甫如元獻鷄 丙戌流監察使蔡禍于海

島 己亥以宋玢監修國史安珣修國史閔

漬同修國史罷車信崔有渰柳庇吳仁永劉

福和洪詵 丙午移御許評第 冬十一月甲

子元遣閔里吉思爲征東行中書省平章事



耶律希逸爲左丞時哈散還奏王不能服其  
衆朝廷宜遣官共理帝從之 丙寅王視事

于征東省

是月以增置行省上表陳情曰

小邦累世勤王之功凡八十餘年歲修職貢  
臣嘗以世子入侍得連婚帝室遂爲甥舅實

感至恩使小國不替祖風永修侯職是所望  
也 十一月庚辰知都僉議司事宋玠乞退

乙酉幸妙蓮寺

庚子幸溫泉

十二月

戊申朔遣將軍李白超如元獻人參鵲肉



庚子

甲寅遣贊成事鄭仁卿如元賀正

二十六年春正月辛卯元遣闊闊不花來頒

冊皇后詔 是月以洪子藩判中軍事 二

月庚申燃燈王如奉恩寺 壬戌幸梨峴宮

以吳仁永知密直司事典理判書劉福和

同知密直司事版圖判書洪誥爲密直副使

三月庚辰王不豫移御齊安宮 庚寅移

御壽寧宮 夏四月庚戌遣同知密直司事

薛景成如元弔皇太后喪 戊午王如元弔



喪 是月以閔壹都僉議叅理李帖知都僉

議司事 五月辛丑有僧天固朱書恠語于

瓦龜背埋惠宿寺石塔下尋自堀曰此龜甚

神異以眩惑衆人闕里吉思執而杖之又以

東京留守羅允不行禁理反信妖術囚于行

省 壬寅遣上將軍高世如元獻童女 六

月壬子王至上都謁帝于樓殿仍獻方物帝

大設只孫宴只孫華言顏色赴會者衣冠皆

一色帝命王侍宴王於諸王駙馬坐次第四



寵眷殊異 戊辰王以羊二百頭酒二百榼  
上壽于帝已巳又詣闕設扶頭宴帝命唱高  
麗歌王令大將軍宋邦英宋英等歌雙燕曲  
前王執檀板王起舞獻壽帝與后悅 癸酉  
王祭太后殯殿 秋七月甲戌朔帝使人勅  
王曰凡有所言即聞奏 乙亥王詣闕獻童  
女二閹豎三又以童女一歸丞相完澤 丁  
丑王侍宴帝以皇太子千秋節赦印使金忻  
等 辛巳帝命右丞相完澤傳旨云高麗國



王所奏風俗百事許令依舊 壬午帝賜王

弓矢海青鷄子及金鞍二癸未又賜王從臣

金段表裏各三百三十六匹弓劍各三十鞍

二十 乙酉皇后賜王衣三襲 壬辰王發

上都 戊戌賜右中贊宋玠推誠贊化安社

切臣之號 辛丑以薛永任判三司事宋和

為密直副使郭膺為軍簿判書宋邦英為左

副承旨 八月戊午上洛公金方慶卒 癸

亥遣副知密直司事洪子翰如元賀聖節



以金延壽爲密直副使 閏月庚辰王次金

郊賜宋玠几杖 辛巳王至自元 乙酉移

御齊安宮 丙戌闊里吉思享王 丁亥韓

希愈李英柱柳瑯等還自元王入朝辨曲直

故釋希愈歸之 庚子以吳祁爲密直司知

申事知監察司事 九月壬寅朔遣將軍閔

丘如元獻鵠 甲辰幸王輪寺 丁巳平陽

公眩卒 辛未賜李資歲等及第 冬十月

癸酉密直副使致仕李承休卒 丁酉王與



閼里吉思敗于西郊 是月閼里吉思欲革  
本國奴婢之法王上表曰亶聰兼聽言降如  
綸大號既宣勢無反汗猶有期于申命不能  
已於再鳴伏念凡屬我疆實非他俗若良若  
賤有何憎愛之所偏其慎其難爲此安危之  
攸係昔我始祖垂誠于後嗣子孫云凡此賤  
類其種有別慎勿使斯類從良若許從良後  
必通仕漸求要職謀亂國家若違此誠社稷  
危矣由是小邦之法於其八世戶籍不干賤



類然後乃得筮仕凡爲賤類若父若母一賤則賤縱其本主放許爲良於其所生子孫却還爲賤又其本主絕其繼嗣亦屬同宗所以然者不欲使終良也恐或有逃脫而爲良雖切防微而杜漸亦多乘隙而發奸或有因勢托功擅作威福謀亂國家而就戕者益知祖訓之難違猶恐奸情之莫禦况又若更此法非徒如治亂絲因失舊章不得僅存遺緒故於至元七年小邦去水就陸之時先帝遣達



魯花亦以治之于時因人告狀欲變此法確  
論聞奏廷議明斷俾從國俗衆姦絕窺窬之  
意得至于今茲者省官初蒞此邦不察削法  
之意必欲變更故臣於今夏入覲之時具悉  
表奏伏蒙俞允今奉聖旨良賤事宜更遣人  
受決臣既承若彼之言而還有如斯之旨雖  
深惶懼又竊思惟既許祖風無問是非而仍  
舊焉當賤類必論臧否以更新應因毀說之  
紛紜聊欲究觀其纖悉故忘冒瀆備奏愚懷



伏望回揭日之光明霽同雲之優渥俾從先  
命乃罔後艱則物以群分消風土變更之嘆  
邦其永保荷乾坤終始之恩 十一月癸卯  
宴闕里吉思于壽寧宮 遣大將軍李自超  
如元獻人參牛肉 丁未闕里吉思還王餞  
于宣義門外 庚申遣贊成事崔有滄如元  
辛酉幸外院設消災道場 丙寅行省遣  
員外郎李希實如元賀正 是月王上表曰  
剪桐爲戲猶承裂土之恩降綍由衷盍依如



山之判但循輿意更瀆宸聰念小國依于大  
邦若孤兒仰其慈母固有嘉言之登聞動輒  
招尤每加厚眷以矜容勉於從欲幸自殊於  
木石胡不感於乾坤頃者未禁妄動之亂臣  
庶剖愚誠於明主故當前歲具陳累世之忠  
勤因舉先朝并錄數條之謨訓是年賀聖節  
使陪臣柳栢迴還云暗都刺平章等太德三  
年九月二十六日奏奉聖旨添設省官者非  
爲改其國俗亦不欲恒置但以一二惡人故



似聞百姓騷擾將使與王作伴鎮安之耳王  
今未知朕意可具悉爲文草奏然後降荅使  
明知朕意臣恭聞是語喜若更生謂絲綸降  
不踰時於日夜望其來使臣亦朝天歲久不  
勝瞻戀乃於今春懇請入朝伏蒙聖慈俞允  
并躍登途既赴闕庭表奏前秋所陳如上而  
但聞有命未奉明綸之意伏蒙大德四年七  
月初八日口傳聖旨亦若前秋之命臣於是  
時曾嘆青天之難覩昵瞻白日以方欣長吟



湛湛之歌屢忝厭厭之飲久貪恩於輦轂忽  
迫歸期素欲受者璽書亦難留待未遂卑情  
之切願如回好夢以空嗟伏望續垂再振之  
金聲遙降一封之綸音則爲百世雲來之寶  
永永相傳俾三韓草昧之功緜緜不墜群誠  
所祝萬壽無期又移書中書省曰小邦篤承  
仁庇獲保子遺去夏親朝時伏蒙聖旨以本  
國元卿等九人皆委於予閣下所共明知而  
此九人到今無故淹延一不迴還是何違命



之多也惟真僉照督還又曰照得本國舊例  
自來驅良種類各別若有良人嫁娶奴婢者  
其所生兒女俱作奴婢若有本主放許爲良  
所生兒女却還爲賤昨於至元八年有本國  
達魯花赤衙門欲改本俗體例呈奉到至元  
九年正月初八日省掾周承行中書省劄付  
該都省相度合從高麗王依本俗施行以此  
本國驅良公事止依本俗舊例理斷到今不  
會改例今有征東省官欲改本俗體例爲此



已於今年六月親赴上都上表聞奏於大德  
四年七月初八日都省就喚當職元引官貧  
省會奏過事內一件奴婢的勾當依本國體  
例行者聖旨了也欽此續准都省咨文該王  
與闊里吉思那的每言語不歸一各別的一  
般除是別定奪怎生呵是奏呵奉聖旨冬閒  
王差將人來者你也好生商量怎生定體的  
那其閒了也者除這的外王教奏的言語依  
著他的言語者欽此啓請照驗事准此照得



見准咨文却與先次都省省會稍有不同爲  
此今差官再行覈表進呈前去伏望都省善  
爲聞奏乞令依舊省俗施行如蒙不准必須  
變改舊例除已前年分已成婚聘所生兒女  
者止令依舊住坐外自今以後諸奴婢不交  
嫁娶招占良人爲夫婦似不爭競然此合行  
啓稟都省照詳定擬希明文迴示以韓希  
愈都僉議侍郎贊成事判軍簿司事金之淑  
都僉議贊成事判監察司事崔有渰都僉議



贊成事判版旨司事金富允知密直司事典  
理判書李英柱爲密直副使軍簿判書黃元  
吉尹萬庇爲三司左右使俞甫爲軍簿判書  
十二月甲戌遣副知密直司事李英柱如  
元賀正 戊寅幸平州溫泉 甲午元遣伯  
顏忽篤不花以香十五斤匹段三十匹絹三  
百匹鈔八百六十四錠來轉藏經 丙申以  
宋和爲西北面都指揮使 己亥王與伯顏  
忽篤不花幸妙蓮寺轉藏經 庚子幸慈雲




寺轉藏經

世家卷第三十一



示

秋一由初  
不融以在





世家卷第三十二

高麗史三十二

正憲大夫曹判書兼殿中提學知經筵兼秋館事兼成均大司成臣鄭龜趾奉

教修

忠烈王五

二十七年春正月甲辰王與元使如興王寺  
轉藏經 丙辰王率百官幸妙蓮寺為皇帝  
祝釐詣路行省以下官皆以正月朔望行香  
祝釐蓋元朝之禮也 己未安西王阿難達  
遣使求童女以韓孫秀之女歸之 壬戌王



以先帝忌幸妙蓮寺行香 甲子耶律希逸  
享王于壽寧宮 乙丑王率行省官及群臣  
幸妙蓮寺爲帝聖甲日祝壽也 己巳耶律  
希逸享王于壽寧宮 庚午王以前王公主  
誕日宴于壽寧宮 二月癸酉脫脫大王遣  
人來獻海青二翮因求童女 丁丑耶律希  
逸謁文廟令諸生賦詩 庚辰以皇太后忌  
日幸妙蓮寺 丙申遣瑞興侯璵入侍于元  
庚子王不豫 三月壬寅移御盧穎秀第



元以行省平章闊里吉思不能和輯人民  
罷之闊里吉思率官屬還中郎將朴洪以通  
事爲闊里吉思腹心借威市恩多受賄賂隨  
闊里吉思如元謀變國俗不逐而歸 癸卯  
李白超還自元帝賜王楮幣一萬錠遣使表  
謝 元置耽羅軍民萬戶府 夏四月辛未  
僉議叅理金賸卒 己丑元遣山東東西道  
宣慰使塔察兒刑部尚書王泰亨詔曰向以  
爾國自作不靖遣平章政事闊里吉思等權



今與王共事以鎮遏之非欲久任於彼今悉  
命赴朝然陶里吉思等所言兩國越禮濫罰  
官冗民弊數事中書省臣有公移來表乞不  
變更祖宗舊法朕惟先朝以本國官號與朝  
廷不殊已嘗改正王於是時即當以類推之  
事如害義改亦何難今遣塔察兒等賁詔往  
諭王其勉思累朝覆育之恩以宗國生靈爲  
念威福予奪當自己出事體有未便民情有  
未安者其審圖之繁爾群僚悉心奉正各修



乃職敢有蹈襲前非專恣不法王雖爾容朕  
必不貸據省移事理釐革既定差官偕去使  
以聞中書省移咨曰王近表奏增置省官百  
姓不安及乞不改祖風等事已有頒降詔書  
委官持詣本國開讀所有闊里吉思等官具  
言國中不便數事錄連事目在前都省議得  
驅民之事且以本國舊俗爲辭此猶可說至  
如王國而用天子殿庭之禮既臣之初即當  
論者肯或不審自今宜即更之其餘如民瘼



之可除事弊之應改者宜體詔旨諭王之意  
一一擬定仍令去使悉知王就行訖備細啓  
來以憑聞奏其錄連事目曰闊里吉思等言  
大德三年十月開省以來別無出納錢糧止  
告驅良公事合依通行體例歸斷又目覩大  
德三年十一月十五日大德四年二月十五  
日國王二次大會亦三舉淨鞭山呼萬歲一  
如天子儀制有此僭越又本國刑罰不中或  
人告是何公事不問證佐止憑元告三問不



招無問輕重流配海島遇赦並不放還刑獄  
枉濫覩此一事餘皆槩見又本國王京裏外  
諸司衙門州縣總三百五十八處設官大小  
四千三百五十五員刻削於民甚爲冗濫加  
之賦役頻併少有不前綁縛凌虐忍痛銜究  
無可伸理城郭州縣虛有其名民少官多管  
民官按廉官半年一次交代今本處百姓自  
備牛馬路費等物迎送新舊官負道路如織  
防農害物民甚苦之又元立站赤每處三四



十戶近年不問公移有無文憑皆乘駟馬若  
王近侍者差出即起二三十匹餘驗高下各  
有等差兼所管官司百色科擾因此逃散三  
存其一厥數不補至甚生受又本國歷數十  
年未嘗加於賦役比之其他優恤甚重近因  
權臣所行不法百姓困弊其餘事理難以縷  
陳五月甲辰耶律希逸還希逸喻國王理  
民之術責宰輔憂國之事嘗以國學殿宇隘  
陋甚失泮宮制度言於王遂新文廟以振儒



風 丙午併省內外官其官名有同上國者  
悉改之 庚戌遣知都僉議司事閔壹如元  
請改嫁寶塔寶齡公主表曰扶桑地僻猶經  
帝女之曾臨穠李行遲盍奏邦人之共慕念  
我國得存於今日由玉姬早降于先朝歲時  
寶陰之忽収嘆其中否婉孌芳華之繼至擬  
不終屯何期暫返於九霄而致遂淹於四載  
久欲陳其愚意恐或忤於宸聰若猶伉儷之  
未諧其必兒孫之難見忍使青春而虛老空



令皎月以却羞人言不可爲謀事由天命臣  
謂求改其匹簡在帝心天心即是帝心帝命  
亦惟天命又請罷耽羅總管府隸本國置萬  
戶府表曰地如隣敵爲備要詳天必聽卑所  
須當聞庶仗早圖之力欲消後悔之萌伏念  
叢爾耽羅接于倭國恐姦人倏來忽往或漏  
事情令成卒嚴警肅裝不容窺覷於是謂在  
軍官而作帥宜加宣令以播威頌者臣之所  
以擬議設立軍民都指揮使司者不知上國



曾有是命徒以本國舊例凡大官出鎮邊境者令帶指揮使之名故欲於是名加受宣命虎符如合浦鎮邊事耳今承中書省咨奏准設立耽羅軍民總管府勢有大乘事非本望倘許從便而毋固第期無失於所施今罷耽羅總管府依舊隸屬本國開置萬戶府如合浦鎮邊事但於頭目人員頒降宣命虎符使得增威鎮壓則譬若毛之有皮得其所附亦如臂之使指動罔不宜又請以忽剌歹等奪



占田民悉還本主以伸冤枉表曰天地量優  
兼容荆棘瓶甕器窄要辨錙銖伏念臣適遭  
小國之衰危益荷盛朝之矜恤頃者禍纏蝸  
角靡堪吠主之狴訟釋鼠牙不忍依人之烏  
猶執渠魁而誠後悉今餘黨以還元本國亂  
臣之首忽刺歹等所作姦計既以明白徒欲  
亂其國家而欺天亦多罪不容誅幸賴好生  
之德獲保首領而尚不知足因受朝旨欲收  
本國所在田園臧獲又所曾分付今還本國



姜桓等亦徘徊不還以至于今理甚乖張事  
須申聞若忽刺等本以隻身而到此曾何  
一物之有將今所有資財皆出侵漁賄賂所  
有田民多是強吞勢奪其中亦有臣所給者  
亦因妄告以無主故與之耳至如金忻之田  
民亦亞於彼自古安有既去其國而仍食其  
田又取其民者乎況其被奪之民冤枉不小  
亦非所忍觀是可忍也何以懲惡何以勸善  
乎俾姦賊以爲謀亦明時之所惡伏望陛下



萱之質表不敢追豈臣節  
乎初何嘗去

張不瀾之網開無私之門其忽刺等所占  
田民許依公道以推明毋滯平民之冤枉遂  
令宜與乃與可還者還更使徘徊不返之徒  
勿違分付有嚴之令則既承聖澤得全祖考  
之風又使皇威復正君臣之分其爲感祝曷  
可敷宣中書省移咨略曰征東省欲依慶尚  
全羅道鎮邊萬戶府例於耽羅設立萬戶府  
事奉聖旨可依所請者其請改嫁公主表宣  
不敢進而還 戊辰賜盧承綰等及第



尚道安東界大雨雹廩廩鳥雀或有中而死

者雹一枚數人不能舉 六月癸巳置田民

辦正司 秋七月丙午幸壽康宮 乙卯忽

只各番宰樞房庫重房輪日享王 命侍郎

贊成事韓希愈贊成事崔有滄同知密直司

事宋和金台鉉密直副使金延壽知申事吳

祔左承旨宋邦英等議利國使氏之事以聞

贊成事致仕任嗣平 乙丑遣密直副使

金台鉉如元賀聖節 贊成事致仕李德孫



卒 八月己巳命行省杖韓希愈宋玠 戊

寅慧星見于北斗 辛巳設中秋宴于壽康

宮 壬午慧星見于北斗 丙戌贊成事致

仕崔守璜卒 戊子江南商客享王于壽康

宮 己丑王欲還宮諸嬖幸建言曰前月野

鹿入城今又慧星見宜舍郊禳灾凡王之出

遊嬖幸蓋橫恣故託避灾異勸王留連如此

乙未王自壽康宮入御張瑄家 慧星見

于上台入天市垣 丙申元中書省移文云



大將軍金天錫奸詐立回離間王父子宜放  
還鄉里東界自正月不雨至于是月九  
月丁酉朔幸外院設星慶祈禳法會己亥  
以慶尚道按廉朱印遠兼當道勸農使癸  
卯慧星見于天市垣天狗墜地乙巳金長  
守還自元言帝將北征戊申遣上護軍高  
世如元請助征即將崔涓還自元言帝已  
寢北征宰樞喜贈白金三斤親設龍華會  
于廣明寺丁巳遣大護軍閔甫如元獻鵠



冬十月甲戌移御齊安宮 乙酉王如元

次銀川高世還言帝有詔勿朝遂幸海州

十一月庚子王至自海州入御齊安宮 戊

午遣上護軍康純如元賀正行省遣郎將林

宣如元賀正 庚申王獵于南京 十二月

丙寅朔遣護軍崔涓如元獻鵠司宰尹鄭良

進酥油上護軍李白超進入薹 壬午至自

南京

寅士

二十八年春正月壬寅幸外院 甲辰金延



壽還自元報晉王甘麻刺之薨 戊申命田

民辨正都監籍閩里吉思所斲奴婢為良者

歸之本主 壬子賜中贊洪子藩象牙杖

辛酉密直使全昇暴卒 二月乙丑朔遣贊

成事柳庇如元吊晉王喪 癸酉辛壽寧宮

設百座道場 戊寅燃燈王如奉恩寺 僉

議中贊致仕薛公倫卒 庚寅帝賜王葡萄酒

酒 辛卯辛廣明寺設龍華會 三月乙巳

辛妙蓮寺為晉王建福 庚戌中贊致仕廬



承益棄官為僧

乙卯幸壽康宮

甲子元遣

種田軍萬戶拔都來頒赦

夏四月辛未元

遣別本兒等來徵寫經僧

癸酉賜崔凝

等及第

五月

壬寅飯僧一千于壽寧宮遂

幸壽康宮

庚卯

以詩賦親試取曹匡漢等

七人各賜白金三斤馬一匹以匡漢等為殿

試門生故有是賜

丙午以黃元吉知都僉

議司事王惟紹為密直副使又以惟紹之父

公知都僉議司事致仕

殿中侍史金英佐



論海南館別監金延侵漁百姓忤旨貶為鳳  
陽副使 己酉以金延壽為典法判書趙簡  
為左諫議右承旨朴顓為監察大夫申汝桂  
為右副承旨 六月癸亥朔日食雨不見  
丙寅還宮王之幸壽康宮也宰樞將軍房忽  
赤丙房庫內除輪日設宴後以為常 乙亥  
命俞議叅理閔漬知密直司事金台鉉聚及  
第二十八試以賀聖節表上丞相國書祝聖  
壽佛跏白仁壽卜祺權暉金芝等連中之皆



授文翰署令 金元祥建白請試國學博士

能通六經者遷執命趙簡鄭僊方于宣薛趙

等誠之試者纔通一二經故皆不得叙 康

辰以宗室珣琪並為守城加韓希愈為重大

匡郭膺為監察大夫朴顓為典理判書高世

為三司右使金文衍為軍簿判書金瑄元史

館修撰官知內旨金元祥為秘書尹知監察

司事 辛卯以中贊致仕金瑋為僉議侍郎

贊成事 秋七月乙未幸壽康宮 辛丑以



宋玠為都兪議中贊車信為侍郎贊成事柳  
梢為叅理趙簡為密直副使右常侍王惟紹  
為左常侍康純為軍簿判書 己酉遣大將  
軍秦良弼如元獻童女 辛亥高世還自元  
世嘗以請入朝如元會帝有所忌諱不得奏  
而還 丙辰以高世為密直副使康純為三  
司右使 八月壬戌朔侍郎贊成事致仕蔡  
謨卒 甲子遣知密直司事權永如元賀聖  
節 庚午行享省王 癸未以吳祁為監察



大夫 甲申王手批以池島切權知右副承

旨 乙酉元遣伯都孛羅來分揀遼瀋人物

丙申贊成事金瑋享王 九月丁未移御

齊安宮 乙丑幸壽康宮 辛未作

安平宮 乙亥以密直提

學鄭允弼為西北面都巡問使 辛巳以韓

希愈為僉議中贊吳所知都僉議司使金文

衍為監察大夫 丁亥自壽康宮入御齊安

宮 十一月壬辰幸壽寧宮 戊戌幸妙蓮



寺 辛丑以同知密直司事俞甫出鎮合浦

丙辰秦良弼還自元帝命王親朝賀正

丁巳安西王阿難達遣使來獻海青及金段

己未宴安西王使臣于壽寧宮 十二月

庚申朔壬子元命齊安公淑權署征東省事

壬午贊成事柳庇偕伯都孛羅如元 是


歲遼陽省秦帝請併征東遼陽為一省移司

東京王上表云言雖巧飾及于天聽則必明

事若大非豈以風聆而不懼敢高哀籲庶賜



矜容念小邦接彼頑民在先朝立茲行省當  
奮武威而越海添設新僚及修文德以舞干  
輒如舊例制由詳酌理合久矣今者似聞遼  
陽省移咨于上司以革罷遼陽征東兩省合  
為一省而置于東京臣竊思惟自東京至王  
京一千五百餘里自王京至合浦一千四百  
餘里若合浦海外忽有微波之警則報告往  
來之際千里尚遠況三千里外乎此於求名  
分者或懷非是蓋朝廷之良策豈煩恤人之





輕議遽遽生祖之嘉謀然自惟貌德之多涼  
恐不入克仁之深恤故將陳聞以為急第恨  
奮飛之末由伏望陛下四大陽之明憲遠地  
之弊克遵前典勿納偏辭則臣謹當益堅戴  
舜之誠倍祈天壽倘致征苗之効小助皇威  
又上中書省書曰照得小邦景係遼遠重地  
隣延未附日本國自於至元十八年大軍過  
海征進之後至元二十年欽奉世祖皇帝聖  
旨委付當職行征東省事威鎮邊面管領見



設慶尚道合浦等處并全羅道兩處鎮邊萬  
戶府摘撥本國軍官軍人見於合浦加德東

萊蔚州竹林巨濟甬山內禮梁等所把隘口

去處及肥田等處分俵設立烽燧暗藏船兵

日在着望巡緝專一隄備日本國賊軍向備

到今不曾有失節次曾獲日本賊人移咨省

院聞奏了當今知得遼陽行省官負欲要將

遼陽行省并本國征東行省革罷却要遼陽

府城在合併改立行省移咨都省定奪去訖



為此叅詳本國合浦等處邊面相去遼陽府  
地理極遠耽羅又比合浦等處至甚寫遠倘  
有邊面啓索緊急公事往迴遲滯切恐失候  
深繫利害今來若不啓索憲咫尺都省未知便  
否倘若依准遼陽行省所擬合併本省寔為  
未便更無照得本省即奉元係<sup>上</sup>世祖皇帝聖  
旨立到若蒙准咨止令當職依舊行征東省  
事專委威鎮東方極遠未附日本國邊面句  
當似望不致失候邊關事務據此合行咨稟



伏望都省照詳定奪聞奏施行

癸卯

二十九年春正月庚寅朔壬午在元二月辛

巳俞議中贊致仕韓康卒于交元達怯里

馬赤月兒忽都以官素一十表裏龍經裏

兒絹三百匹黃香十五斤鈔六百一十錠二

十五兩來轉藏經三月甲午百官備儀奉

御香轉藏經夏四月丁亥雨雹五月丁

未王至自元癸丑宰樞享王于壽寧宮

閏月戊午朔日食以旱雩庚申御涼樓



後峯觀擊越戲

庚午大雨

幸妙蓮寺

戊寅國學學正金文鼎以宣聖十哲像及文

廟祭器還自元 辛巳以韓希愈為僉議右

中贊宋玠為左中贊 六月乙未行省享王

丙申都僉議贊成事致仕金富元 辛巳

夏前後殿試及第享王 己酉罷興安都護

府副使金瑞芝王之章婢鳳池蓮者本府妓

也邑吏裴度常有憾於瑞芝托鳳蓮訴王池

遂罷瑞芝籍其家 癸丑震西北面安集使



金堅

秋七月丁巳朔遣大護軍閔甫如元

獻鷄鵲

壬戌

賜中贊宋玠爵樂浪公以秘

書

尹吳演

權知

右副承旨

甲子賜朴理等

及第

乙丑元

遣斷事官帖木兒不花翰林

李學士來中書省奏奉聖旨宰相崔有諱韓

希愈柳庇與使臣收管石冑及子天補天卿

天祺赴京帖木兒不花遣其价于安南府捕

金世等四人先是世訴石冑於中書省今欲

使冑世對辨故執之

丙寅金台鉉率新及



第詣壽寧宮上謁賜宴

庚辰移銜齊安宮

辛巳行省遣護軍李翰如元賀聖節元

冲甲等五十人及洪子藩尹萬底等三十人

以書數吳祈罪告于帖木兒不花李學士

八月丙戌遣右中贊韓希愈前贊成崔有滄

以石中及子天補天卿天琪如元己丑遣

密直副司使宋邦英如元賀聖節庚寅召

致仕殿圖判書崔謁曰聞卿等亦將訴吳祁

子使臣有諸姑徐之謁不從乙巳洪子藩



元冲甲與諸宰相率三軍圍王宮執吳祁遣

護軍崔叔千押送于元 九月甲子以洪子

藩為都僉議左中贊復尚左也 乙丑幸神

孝寺 庚午王如元請沮前王 還國不飲以

公主改嫁瑞興侯璵 冬十月癸巳元遣兵

部尚書脫脫帖木兒來捕吳祁蓋不知祁已

赴京也 乙未王至西京帝不許入朝乃還

壬子幸外院設消灾道場 都僉議中贊

致仕蔡仁揆卒 十二月己未太白晝見



辛酉元遣刑部尚書塔察兒翰林直學士王  
約來約謂王曰天地間至親者父子至重者  
君臣彼小人知自利寧肯為王國家地耶王  
感泣謝曰臣老耄聽信險邪是以致此今聞  
命矣願奉表自雪且請前王還國其小人黨  
與悉聽使臣治於是執宋璘及吳祁兄弟三  
司右尹歲承旨演正郎珩少尹連妹婿中郎  
將趙琛等囚于行省壬申以韓希愈為都  
僉議右中贊判典理司事金瑛為侍郎贊成



事判軍簿司事安珣為侍郎贊成事判版圖

司事崔有濟柳庇並為贊成事閔萱為叅理

閔漬判密直司事鄭階為密直司使李混權

永並知密直司事金台鉉金深同知密直司事

金延壽金文衍為密直副使洪誥為版圖判

書郭膺為監察大夫李璵為典法判書朴顥

為右常侍高世康純為三司左右使 戊寅

遣密直副使金延壽大護軍夜先旦如元賀

正又遣齊安公淑請還前王表曰乾坤德洽



避荒亦合為一家父子性存恩愛何忍於兩  
地取陳鄣蘊仰瀆宣聰伏念幸緣早歲之忠  
勤獲忝先朝之隆降方初得子鍾憐奚止於  
隋珠及至成人割愛令歸於漢闕既累生孫  
於帝側又曾尚主於日邊喜極事乖情踈奸  
入以仁於膚受江忽有沈如能辨其面欺  
玉何為石不明由已可責在臣屬奸黨之伏  
辜知惡言之移意今茲反奉還復如初適逢  
天使之鼎來悉照臣衷而策發如解宿醒而



自省益驚睿睠之尤如况小邦久依穰李之  
陰能保苞桑之業嘆昔人之難復思佳婦之  
足憑伏望宸臣未免於先迷念臣匪稽於後  
悟勅令嗣子王璋陪公主而還國盡孝撫民  
則臣得舊寶坐消晚景之虞疑民無貳心專  
戴春陽之化育十二月甲午以金元祥金  
瑄為密直左右承旨金子興金賄為左右副  
承旨癸卯太白晝見庚戌晝見西方  
中書省移文略曰征東省欲將本國所貯兵



甲辰

糧折支行省官吏俸都省送戶部議得高麗  
錢糧止從東國支用

三十年春正月癸丑朔王在齊安公第不豫

放朝賀 甲寅薨見于奎 都僉議贊成事

致仕伍允孚卒 癸亥復析州郡之僻者罷

晉州羅州溟州仁州靈光密城判官祖江河

源勾當羅州道館驛使 丙寅塔察兒王約

沅吳演等十人于海島釋宋璘 庚午塔察

兒王約還 遣密直副使金深如元表謝遣



使來治吳祁之黨又請還前王表曰孤媚之  
姦一朝掃地鶴鳴之應千里聞天伏念猥以  
叢資竄于荒服唯把忠純之性賴德享榮不  
震欺蔽之徒借威肆虐渠魁向上司而曾往  
餘種留此土以尚存今有塔察兒尚書王學  
士銜命遠來與臣同議乃拘囚而察罪當輕  
重以定刑公正為心神明決事二星所降乃  
知萬國之歡數月未盈已得三韓之理君臣  
皆正父子亦和惟茲賢使之幸逢瑞是聖皇



之慈護因思前歲遙奏下情為定省之久違  
計光陰而佇待願勅克家之嗣斯速穩還亦  
令宜室之速共來相見 丙子以李之公為  
都僉議贊成事閔萱咨議都僉議贊成事鄭  
階判三司事李混判密直司事權永為密直  
司使金深知密直司事高世同知密直司事  
朴顥為密直副使金元祥知申事洪敬為右  
承旨 丁子韋妙蓮寺祝帝壽 壬午以安  
于器為右副承旨 二月辛卯元遣都古達



也先帖木兒來領省刑詔 丙申燃燈王如

奉恩寺是日以塔察兒王約言朝廷未有明

禁復用黃袍黃傘 乙巳以內僚前護軍宋

均黨宋邦英沮毀前王囚于巡軍 三月庚

申梨峴新宮成王幸觀之大宴賜護作官白

金人一斤賜工徒酒食 辛未命釋宋均宰

樞不肯使衛士召均至宮門釋之 丁丑元

遣兵部尚書伯伯劉學士來鞠宋均宋邦英

等于行省 夏四月壬午伯伯將還百官請



罪宋邦英等伯伯乃與王議令大護軍夜先  
旦中即將金章押邦英等送于元 癸未太  
白晝見 丙戌王置酒壽寧宮賞花戌子亦  
如之 乙未令內庫宴于壽寧宮 蒙巫禱  
雨 丙申前中贊韓希愈贊成崔有濟柳  
庇還自元有濟庇詣中書省 起奏請還前王  
表未獲而還 壬寅以韓希愈咨議都僉議  
中贊 丁未元遣叅知政事忽憐翰林直學  
士林元來時吳祁石天補繫獄于元又以其



黨肆為姦欺無所畏忌故遣二人鎮遏之

五月壬子朔日食丙辰宴忽憐林元于涼

樓觀擊越戲己卯贊成事安珣建議置國

學贍學錢六月乙酉國學大成殿成丙

戌王詣國學忽憐林元從之七管諸生具冠

服迎謁於道獻謠謠王入大成殿謁聖命密

直使李混作入學頌林元作愛日箴以示諸

生丙申安西王阿難達遣使來求閩人

秋七月丁巳內僚宋均賈金剛山圖如元宰



樞使人追止之均曰王有命遂去 癸亥宴  
于壽寧宮 庚午以韓希愈為金議右中贊  
宋璘知申事 己卯江南僧紹瓊來遣承旨  
安于器迎于郊瓊自號鐵山 八月甲申遣  
中贊韓希愈如元賀天壽節 丁亥王率羣  
臣具禮服邀紹瓊于壽寧宮聽說禪 甲午  
宋邦英宋璘等還自元王各賜衣 丙申命  
停今年科舉 丁酉遣知密直司事高世于  
瀋陽推刷人物內僚金儒高汝舟潛以書達



巳乙

前王事覺王怒杖之下巡軍 九月甲戌遼  
陽行者叅政金說偕高世來 冬十月元杖  
流吳祁石天補兄弟于安西 十一月宦者  
李淑奉御香來王出迎于迎賓館宴于壽寧  
官 乙亥夢見靈危間 十二月甲辰遣同  
知密直司事宋邦英如元賀正  
三十一年春二月戊寅以鄭階為都僉議贊  
成事王惟紹知都僉議司事權永判密直司  
事金台 乙亥為密直司事申汝桂為密直副使



庚辰忽憐疾篤有為之進藥者忽憐曰汝  
國奸臣執命父子相圖故帝遣我來監我若  
飲藥死其得無後言乎况死生有命雖良藥  
奚為竟不飲而卒 壬午以李淑為平昌君  
丙戌林元還 丁亥遣護軍鄭恭如元龜  
童女 庚寅停燃燈會 乙未以韓希愈判  
平壤府事金文衍為府使 三月乙丑以洪  
子藩為慶興君咨議都評議司事韓希愈為  
都僉議中贊 丙寅元遣脫刺歹來頒赦



戊辰命安于器掌監試取士時儒士康慶龍  
家居教授其徒十人中是試來謁呵唱之聲  
竟夕不絕宗室益陽侯第在其傍異日侯入  
見王問民間事侯因白之王曰此老雖不仕  
誨人不倦以底于成豈曰小補命吏載穀就  
賜其家 甲戌遣王惟紹如元獻童女十人  
夏四月癸未元遣突烈來轉歲經 丙戌  
設賞花宴于壽寧宮 甲午設歲經道場于  
壽寧宮 壬寅以星變宥二罪以下五月



丙午幸廣明寺轉藏經 己酉賜經德齋生

張千贊等及第 癸丑幸妙覺妙蓮二寺

丁巳幸興王寺轉藏經 癸亥淑昌院妃享

王 丁卯三番忽赤享王 六月庚辰都僉

議贊成 辛酉 甲申遣上護軍閔甫如

元獻 辛酉 韓希愈金瑋為都僉議左

右中贊 王惟治為贊成事權永知都僉議司

事安于 兗為密直副使吳演為左副承旨

秋七月辛亥內庫享王于梨峴新宮 癸亥



永濟倉享王于壽寧宮 甲子上護軍秦良

弼還自元帝命王親朝賀正 乙巳以權永

為都僉議叅理金台鉉知都僉議司事高世

為密直使宋邦英知密直司事韓慎同知密

直司事金瑄為密直副使 甲戌元以冊皇

太子遣咬猪等來領赦 八月壬午遣贊成

事王惟紹如元賀天壽節 己丑幸妙蓮寺

為帝祝壽 甲午以薛永任為都僉議贊成

事高世判密直司事金文衍為密直使朴顥



知密直司事趙文簡同知密直司事 九月

戊午安西王阿難達遣使來獻金且賂左右

求童女使乃婦人也 冬十月丁丑承旨崔

崇勸王幸壽康宮崇嘗納校尉金時脫女得

幸由是益有寵 甲申內僚曹頤享王 丁

亥自壽康宮還御于淑昌院 甲午以

星變宥二罪以下 辛丑太白晝見 十一

月乙巳雷震 丙午宰樞以王入覲宴于壽

寧宮 壬子內庫享王于壽寧宮 甲寅移



御前王洪妃第 戊午王如元孫廣平合江

陵侯及韓希愈王惟紹高世金文衍韓慎宋

邦英宋璘洪子藩崔有淦柳庇金深金延壽

等泛行 庚午命右中贊金瑋權署行省事

辛未右承旨崔崇罷時承旨一人已受度

尚道祈恩之命崇求代自書口傳又抄奴朴

延當泛行崇受人白金三斤而改之延以告

憲司 十二月癸酉齊安公淑如元王欲以

淑孫女獻皇后故淑有是行 己丑都金議



午丙

中贊致仕鄭仁卿卒 庚寅元遣忽都不花  
來求寫經僧選僧一百以遣之 癸巳王次  
遼陽趙仁規自元放還謁於道王以帝旨即  
拜判都僉議同事 前王迎王于薊州至京  
館于前王邸  
三十 二月春正月壬寅朔王在元 辛酉下  
教傳曰養老之言本朝制亦有老人賜設令  
飲遵是制闕三老五更之饗年八九十者所  
在官錄名申聞官給租養 閏月己丑護軍



金就起賈批判來自王所以秦良弼為密直

副使盧顏秀蔡宗璘為左右承旨朴侶為右

副承旨

三月辛未朔日食

秋七月己卯

行省遣掾即郭元振如元賀聖節以旱聚

巫禱雨辛巳都僉議左中贊韓希愈卒于

元八月己亥遣知都僉議司事金台鉉如

元賀聖節辛丑都僉議贊成事致仕曹允

通死辛亥前王妃洪氏卒九月甲申都

僉議中贊致仕安珣卒戊子慶興君洪子



藩卒于元

冬十一月甲午遣承旨崔崇如

元賀正

是歲王惟紹宋邦英宋璘韓慎諧

前王於王又諧于皇后及左丞相阿忽台平

章八都馬辛欲祝前王髮以瑞興侯璉繼尚

寶塔寶璘公主崔有渰等詣中書省論惟紹

惡逆省官執惟紹等囚之高世金文衍秦良

弼勸王還國王不可曰我聞前王遣人於路

要我沉于河我雖老獨不畏死也等上書中

書省極論惟紹罪請奉王還國省官以奏趣



丁未

王行王無以為計乃飲藥發痢自夏至秋不

起公主聞惟紹等被訴怒甚召文衍杖之又

使人守戶北署名告狀者禁其出入王所於

是時臣皆離散惟秘書丞李北年內豎崔

晉

三十三年春正月丙寅朔王在元 癸酉元

成宗崩 丙子中書省御史臺遣劉學士來

審斷獄囚 二月戊戌太白晝見 三月丙

戌遣郎將姜禕如元告糶 辛卯前五遣同



知密直司事金文衍上護軍金儒來夜巡  
軍府宣批判以崔有滄為都僉議中贊判典  
理監察司事柳庇為都僉議贊成事判軍簿  
司事李混為都僉議贊成事判版圖司事金  
深為都僉議叅理判三司事許評判密直司  
事金廷壽金台鉉知密直司事金文衍同知  
密直司事尹瑤兵漢卿為密直副使朴承切  
羅允材為三司左右使趙仁規咨議都僉議  
司事平壤君印侯咨議都僉議司事平陽君



金忻咨議都僉議司事贊成事高世咨議家  
直司事都僉議叅理金元祥咨議密直司事  
密直副使秦良弼咨議密直司事同知密直  
崔冲紹為版圖判書權授贊成事洪誥為上  
護軍權授叅理閔宗儒為典法判書權授判  
密直司事朴金之判秘書寺事權授密直副  
使許有金為監察大夫權授同知密直司事  
鄭之衍為左常侍權授同知密直司事趙簡  
為右常侍權授密直副使李連松判禮賓寺



事權授密直副使朴瑄為軍簿判書權授密  
直副使李愔判司宰寺事權授密直副使李  
瑱判衛尉寺事權授密直副使趙瑞金興為  
左右奉旨夜先旦洪承緒為左右副承旨其  
餘除授者八十餘人 前王奉太子旨捕王  
紹惟宋邦英宋璘韓慎宋均金忠義崔涓及  
其黨惡者囚之于邸遷王於慶壽寺自是王  
拱手而國政歸於前王 夏四月甲辰瑞興  
侯璘王惟紹宋邦英宋璘韓慎宋均金忠義



史氏曰王惟紹等離間王父子之漸  
國所當誅然凡離間者夫豈無有  
而然即忠宣流父王臣教父王臣  
傷父之心失子道者多矣是王之  
父子俱在都各樹黨後復相傾軋  
至若通遷父子之意於所樹美鳴  
時父雖不慈子亦不以爲忠宣不  
能改行自新移怒於父王臣臣臣  
虛誅之是苟忍乎哉書曰子不報  
服厥父事大傷厥考心王父不能  
厚於子乃悔昭子其忠宣父子之  
謂乎  
援綱及會綱皆曰廢王遷王手廢  
肅帝殺瑞興侯等六人又太治王宋之  
宣或流或殺等餘人大書殺字自有  
餘義以伏誅者顧不爲忠宣事耶  
忠烈異子屈已洗清王大雨折齒

崔涓伏誅 是月元勅王還國因署行省以

鎮撫 五月壬申元遣平章撒勒帖木兒學

士郭貫來鎮之 丁丑王至自元入御淑昌

院 妃第 乙酉幸梨峴宮設消災道場 辛

卯 丙庫享王 是月前王與右丞相荅剌罕

定策迎皇姪懷寧王即皇帝位是爲武宗

六月乙未龍山別監魯維享王 甲辰遣密

直副使趙瑞如元賀聖節 丙午前王遣左

承旨金之兼來啓令造成都監官桓頤領兵



之惡飲素餽苦孰使然也挾太子  
幽君父一日決間之謀寔能先手

船軍與內盈尹康順護軍李棟董役營造市  
街兩旁長廊二百間泛之 己酉遣同知密  
直司事秦良弼如元獻童女 癸丑元帝以  
即位遣要乙古豆來頒赦 秋七月辛未遣  
上護軍李茂如元獻鵬 乙亥典理軍簿更  
定選法先是前王遣命二司分掌文武選其  
金議密直有缺必須馳索於我以故王欲不  
聽二司之奏承旨等強之曰此為前王之命  
不可不聽王雖不協於心亦不可否但願之



而已

戊子彗星見于尾

元冊皇太子遣

使來頒詔

八月辛亥元遣前王從臣知監

察司事崔實來加王策命曰

有推忠宣力

定遠保節切臣開府儀同三司太尉江東行

中書省左丞相上柱國高麗國王王昨秉心

直諒賦質貞純早克嗣於先猷久服勞於王

室身惟國壻寅居賓日之方男即皇甥復豫

乘龍之選籌館荷兩朝之眷分節襲百祀之

傳肆陞右揆之階先應上台之象茲荐頒於



寵數其益効於忠勤動惟一德之懷居必正  
人是與祖宗世稱漢藩輔保樂土於三韓父  
子并為周司徒播清風於萬古可特加純誠  
守正推忠宣力定遠保節功臣開府儀同三  
司大尉征東行中書省右丞相柱國高麗  
國王尚服渥命以介福祺王賜寶衣一襲銀  
三斤丁巳遣中贊崔有滄如元嶺登極  
典法判書李瑱上書前王王嘉納起拜政堂  
文學九月癸酉前王命都評議司女年十



六歲以下十三歲以上母得擅嫁必須申聞  
而後許嫁違者罪之 冬十月丙午遣判密

直司事金廷壽如元謝冊命 丁未三番忽

赤亭王士子元遣宦者及典酒李彥忠來

選童工庚申內庫亭王十一月甲子賜

安奮等及第 丁卯隨從切臣亭王平章徹

勒帖木兒郭質亦與宴請設火樹觀之 乙

亥王不豫 壬午遣同知密直司事秦良弼

如元獻童女八人 丙戌遣都愈議贊成事



李混如元賀正

以前王命遣直史尹頤

奉先代實錄一百八十五冊如元時人皆不

可曰祖宗實錄不宜出之他國戊子遣都

僉議叅理金深如元獻童女十八人十二

月丙寅前王杖流前承旨吳演及其弟連于

海東前王欲依上國之制定軍民崔有淦

駁之乃止

三十四年春正月丁亥遣同知密直司事趙

瑞如元賀皇太子誕日二月癸亥地大震

戊申



辛丑元改元至大遣許宣來頒詔 甲辰

燃燈王如奉恩寺翼日侍臣上壽王酬之謂

曰此日觀燈是吾畢竟事卿等宜無辭侍臣

皆為之盡觴 丙辰元詔加封孔子大成至

聖文宣王 丁巳中贊崔有倫還自元帝賜

王葡萄酒 三月庚申幸梨峴宮設消災道

場 壬戌元遣濟州達魯花赤來 夏四月

癸巳元遣官者撒勒降香以皇太后命選童

女撒勒本國龍宮縣人也 丙申王與淑昌



院妃幸奉國寺

戊戌王敗于進奉山

庚

子江陽公滋卒

庚戌設賞花宴于壽寧宮

癸丑平壤君趙仁規卒

五月丙寅王不

豫移御金文衍第

戊辰禱雨

戊寅知密

直司事朴瑄還自元帝以前王定策四封瀋

陽王

甲申禱雨于圓丘

丙戌李混崔鈞

金元具與承旨權準賣瀋陽王所定官制及

批判還自元起資越序者皆近幸權勢世臣

舊官俱退閑 六月己丑元遣使禁諸王駙



馬私給驛馬劄子 辛丑頒瀋陽王所定官

制 秋七月丙寅王疾篤遣禮賓尹韓連以

報瀋陽王 已巳王薨于神孝寺是夜殯于

淑妃第遣教曰不穀荷天地祖宗之佑濫處

王位今三十有年矣其間國步多艱民

不安業外侮併進忠良自退斯皆否德使然

心甚愧焉幸得受天之祐享年七十有三然

今遇沉痾累旬未差但思一見瀋陽王常寄

書促來大期奄至豈容相待噫有生有死理



固然矣父傳子受匪今斯古祖宗基業邦國  
機務一切委付瀋陽王惟爾臣僚各守爾職  
以待王來傳予遺訓毋致遺失王在位三十  
五年壽七十三王性寬厚喜怒不形於色幼  
嚮學讀書知大義常與大司成金壇祭酒李  
松繹等唱和育龍樓集行于世十月葬于慶  
陵忠宣王二年元賜謚忠烈恭愍王六年加  
景孝

史臣贊曰當忠烈之世內則權臣擅政外則



強敵來侵一國之人不死於虐政則必殲於  
鋒鏑禍亂極矣一朝上天悔禍誅戮權臣歸  
附上國天子嘉之釐降公主而王通公主之至也  
父老喜而相慶曰不圖百年鋒鏑之餘復見  
太平之期王又再朝京師敷奏東方之弊帝  
既俞允召還官軍東民以安此正王可以有  
為之日也奈何驕心遽生耽于遊畋廣置鷹  
坊使惡小李貴輩侵暴州郡溺於宴樂唱和  
龍樓使僧祖英等昵近左右公主世子言之



而不聽宰臣臺省論之而不從及其晚年過  
聽左右之譖至欲廢其嫡而立其姪其在東  
宮雖曰明習典故讀書知大義果何用哉嗚  
呼靡不有鮮克初有終非忠忍之謂乎

世家卷第三十二



卷之二十一

一

二

三

四

五

六

七

八









